

ոտաթաթը. կարում են մինչև ծնկները կտաւից, որի ծայրերին ապա կարում են երկրորդական վերջաւորութիւններ մթխալից, դանաւուզից, մահմառից, քէճից կամ շիլալից. կուրծքը մինչև պորտը բաց է, կոճկուում է կոկորդի տակ արծաթեայ մի զւանանոցով. թևերը լաւն են և երկար, կարւած է մինչև արմուկը, ապա բաց է և կոճկուում է դաստակի վրայ. լւանում են 2 կամ 3 շաբաթը մի անգամ:

Վարսիկ (քմբաւն): Կարում են մինչև ծնկները կտաւից, ապա նրա ծայրերին միացնում են երկրորդական վերջաւորութիւններ քէճից, դանաւուզից կամ մահմառից, որ հասնում է մինչև ոտաթաթը. կապում են փորի վրայից ոլորած պարանով:

Արխալուղ: Հագնում են շապիկի վրայից, որ հասնում է մինչև ծնկները. կարում են հարուստները դաւամքարից, իսկ աղքատներն Ուլուզերտի և Խօմտարի չիթից: Ունի մինչև դաստակը հասնող թևեր, որ մինչև արմուկը կարւած է, ապա կոճկուում է դաստակի վրայ. Կուրծքն եւանկիւնաձև բացւած է:

Կօսի: Մէջքին կապում են գօտի, որ փաթաթում են արխալուղի կամ միթանի վրայից. պատրաստում են կարմիր ներկած բրդից, որն ունի 2—3 արշին երկարութիւն և քառորդ արշին լայնութիւն. երկու անգամ փաթաթում են մէջքին, յետոյ առջևում մի հանգոյց ձգում և ապա ծայրերը քաղում են գօտու մէջ:

Միքաւն: Հագնում են արխալուղի վրայից. հասնում է մինչև ծնկները. կարում են ամերիկական կամ ռուսական չիթից (սպիտակ, կարմիր կամ կապոյտ), սպիտակ կտաւէ աստառով:

Կարմիր գոգնոց: Հագնում են միթանի կամ արխալուղի վրայից, որի վերի մասը կապում են վզի ետևից, որ այդտեղից հասնում է մինչև սրունքները, իսկ ցածից կապում են պորտի վրայ. կարում են շիլալից, դանաւուզից, քէճից ու մահմառից. թևեր չունի: